

الرشاد

سنة ١٣٣٠

والله يهدي من يشاء الى صراط مستقيم ديني ، علمي ، ادبي ، سياسي هفتلق مجموعة اسلاميه در
اتبعون اهدكم سبيل الرشاد

صاحب و مدير مسئول : ح . اشرف اديب

جلد ١ - ٨

١٦ ربيع الاخر ١٣٣٠ پنجشنبه ٢٢ مارت ١٣٢٨

عدد ٥ - ١٨٧

علم ضروری، معرفت وجدانیه خلقیه نبی ذی شان حضرت تهرینه معلوم اولور. نصل که جبریل امین ده خطاب واردک درگاه سبحانیدن شرف صدورینی، کندیسک تبلیغه مأمور قلندیغنی انحق بو طریقله بیلیوردی. (تنیه) بو مرتبه لک هیچ برنده قران کریم نازل اولمش دکدر [۵]

مرتبه ثانیه دن اولدینی تصریح بیورولان وحی الهیلردن بری شو حدیث شریفدر:

(ان روح القدس نفث فی روعی ان نفسا لن تموت حتی تستكمل رزقها فاتقوا الله واجلوا فی الطلب ولا یحملن احدکم استبطاء الرزق ان یطلبه بمعصية الله فان الله لا ینال ما عنده الا بطاعته) معنای شریفی: روح القدس «جناب جبریل» قلبه اوفله دی، ایصال وحی ایلدی که هیچ بر نفس ارزاق مقدره سنی استکمال ایتدکجه ثولیه جکدر. بنابرین جمله کز حقدن اتقا وطلب رزقده اجمال ایتلیسکز. رزق واسعک تأخری سزدن بریکزی معصیته «غیر مشروع بر صورتله» طلبه سائق اولسون. چونکه خیرلی وبرکتلی رزق طاعت الهیه خارجنده بولنماز.

جبریل امین حیات قلبه بادی اوله حق وحی الهی ایصالنه واسطه اولسنه بناء «روح القدس» تسمیه اولنمقده درکه (قل نزله روح القدس) نظم جلیلنده وارددر. «نفث» نفخ مراد فیدرکه «النفثات» بوندن مشتقدر [۶] «روع» ضم رائه قلب معنسنه در. امر بیوریلان «اجمال فی الطلب» مشروع اولان طرق جمیله ایله، حرص زائد و تعب مفرط قارشیدر میهرق بذل مساعیده بولنق، یاخود رزق اولمغه صالح اوله حق شینک طلبنده انهما کله رزاق متعالك حقوق ربوبیتی امال ایتمه مک دن عبارتدر.

عارف بالله صاحب الحکم (ابن عطاءه) کتاب التئورده دها برقاچ وجه ذکر ایتمش ایسه ده ارجح اولان بومعنا لدر. حدیث شریف مذکور ی حافظ ابوبکر بغدادی و حاکم نیسابوری ابن مسعود «رض» دن بولفظله روایت ایتمشلدر. امام طبرانی معجمنده و حافظ ابونعیم

[۵] (فصول التیسیر فی اصول التفسیر) نام رساله مزده بومسئله تفصیل اولنمشدر که بروجه آتی اجمال اولنه بیلیر: صحیح مسلمده سورة کوثرک نزولی حقنده صروی اولان شو حدیث شریفده (بیت رسول الله صلعم فی المسجد اذ اغنی اغفاه ثم رفع رأسه متبسماً فقال انزل علی آنفاً سورة فقرأ بسم الله الرحمن الرحیم انا اعطیناک الکوثر الخ) وارد اولان (اغنی اغفاه) ترکیبی بعض علما طرفندن «نام نومه» ایله تفسیر اولنه رق سورة مذکوره نک حالت نومه نزولی ادعا اولنمشدر. لکن امام رافی رحمه الله دیمشدر که تفسیر مذکور مسلم فرض اولندیغه کوره سورة اولجه نازل اولدینی حالده اثنای نومه خطوط ایتمش یاخود وعد بیورولان (کوثر) عالم منامده کندیلرینه عرض ایدلش اولسنه بناء لدی الانتباه اصحاب کرامه تلاوت بیورلش اوله بیلیر. فقط اغفاء مبرورک رسول اکرم حضرت تهرینه اثنای وحیده عارض اولان حالت توجه وانسلاخه محمول اولمسی ده جائزدر. جلال سیوطی رحمه الله ده کتاب الاتقانه احتمال ثانی بی ترجیح و تأیید ایتمشلدر. اه

[۶] منای رحمه اه «نفث» تعبیری اسطلاحاً استبعاد کامل اصحابه علوم و هییه و معارف الهیه فیض و الهامندن عبارتدر. دیورلرکه بوکا نظراً اولان کرامتده بو عنایته مظهریتلری استبعاد اولنماق اقتضا ایدر.

حلیه سنده ابواماته الباهلی (رض) دن (حتی تستكمل اجلها وتستوفی رزقها) طرزنده روایت ایدیورلرکه جلال سیوطی (رح) جامعنده بوروایتی اختیار ایتمشدر. ذاتاً اجلک ده رزق کی امر مقدر اولمسنده شک وارتیابمز یوقدر. انحق محل مناسبنده تحقیق ایدلدیکی اوزره تقدیر ازلی - بزه دائماً مستور بولندیغنی جهته - جلب خیر و دفع ضیر تأمین ایلچون لزوم کورولن تدیرامور و بذل مساعیده توانی و تکاسل وقوعنی اصلا موجب دکدر. بلکه «خذوا حذرکم» و «لاتلقوا بایدیکم الی التهلكة» و «تداووا عباداه فان ما انزلاه داء الا انزل له دواء» مثلی نصوص شرعیه بوبابده اهتمام تام ایله چالیشمقلمغیزی ایجاب ایتدکده در. حتی زکات ایله اتفاقات سائر و جوبنه دال اولان اوامر سبحانیه اکتساب ثروت و غنایه صرف همت و اقدامدن اصلا کیری طور مامقلمغیزی مقتضیدر. ثروت و غنا اخرازی رزق مقدری تزید و توفیر ایتیمورسده اتفاق خیر و تأمین سلامت واسطه سیله اجر و ثوابک تضاعفنده تأثیر ایده جکی جای اشتباه دکدر.

مناسترلی اسماعیل حق

افغانستان

امیر عبدالرحمن شاه

مابعد

عمجه مک یانه کلنجه:

— شو بویوک پادشاه حقنده نه بویورورسکز؟ دیدم. ایچه کولدی.

قلعه داخلنه کیردیکمزده شاه جهانی آرادقسه ده میدانده یوقدی. نهایت حقیر بر قولوبه داخلنده بولوق. بنی کورونجه - سزه یمک پیشیرمک ایچین اورماندن اودون کتیرمک اوزره آدم کوندردم. حالا اکمککزده پیشمده دی. چونکه ده میر طاوا سزی دوکونه آلمشدری داها کتیرمه دیلر. دیدی. ایشی آکلایجه آدم یوللایوب ییه جک تدارک ایتدیردم. اها لیدن کوروشدکلمه - بو ذات سزک یادشاه کز میدر؟ دییه سورویور و - چوق عقلای کیمسه لرسکز که بویله مقتدر برسلطانی حکمدار لنگزه اتحاب ایتمشکز! دیوردم که شو مدایح؛ اها لینک پک خوشنه کیدیوردی.

ایرته سی کونی، شاه جهان کلوب:

— بوندن صوکرکی منزلکز عمجه زاده م (دوست محمد) ک قلعه سیدر. او، سزی بندن داها ای مسافر ایده بیلیر. ایرکندن یوله چیقکز. دیدی. کندیسندن قلاووز ایسته دک:

— کندیم کلیر، سزه یولی کوسته ریرم. تکلیفنده بولوندی.

عمجه مه: بلکه بونده بر مقصد وارددر. دیدمسه ده بر معناد سوزمه قولاق اصمادی. نه ایسه حرکت وبر طالعک اتکنده یتوت ایتدک.

اورادن (پشنگ) ه متوجهاً يوله چيقدق . پشنگ جوارنده کی بر قلمه یه کلديکمزده اورا حاکمک قرق بيک روبه لوق رسم ميري مع ايدە رک قندهاره کونده رمک فکرنده اولديغی جاسوسدن خبر آلم . بونک اوزەرينه عمجه مله مشورت ايدە رک :

— کيجە يورويەلم، طلوع شمسدن اول پشنگه کيروب روبه لری آلام . ديدم لکن معتمزدن برقچ کيشی احسان اميدله بندن اول داورانوب نيمزی حاکم اخبار ايتديکی جهتله تدبيرمز بوزولدی . حاکم، آلدینی خبر اوزەرينه ياقينده کی قلعه لردن يوز نفر جلب ايدە رک قلعه سنی تحکيمه چالیشدی . برکت ویرسين که اولجه کيدوب بنی بکله مک ايچين بر جاسوس کونده رمشدم . بوجاسوس عودتله عمجه مک آدملمردن بش کيشينک ايتديکی خيانتله قلعه حاکمک تحکيم موقع ايمه سنی بيلديردی . اوراده نائل مقصود اولاماياجغیزی آکلایجه (کاريز وزير) ه عزيمتله ايکی کون اقامت ايتدک .

مابعدی وار مترجمی

طاهر المولوی

مَقَالَاتُ

توحيد واتحاد

۱۲

امام سيوطی مرحومک، جامع صغيرنده جناب ابی هريره حضرت تلمينک روايتله نقل ايتديکی شو حديث جليل القدره باق ! دقله او قو ! « اذا مات الانسان انقطع عمله الا من ثلاث : صدقة جارية ؛ او علم ينتفع به ؛ او ولد صالح يدعوله . انسان اولونجه دفتر اعمالی ده دورولور . حياتنده خير و شر نه يامش ايسه آنلره حساب باشی بکله . يالکيز اوچ عمل خير بو حکمدن مستثنا ؛ بونلرک اجر و مکافاتی لاینقطعدر . آردی آراسی کلسيلمز . دائماً صاحب لرینک دفتر اعمال لرینه يازيلير دورور . يا — کړک مجدداً وکړک تعميراً — مدارس و مکاتب اسلامیه یی احيا ؛ چشمه ، کوپری ، يول ، جاده ، شمندوفر ، طياره کي نفی بالخاصه ملت اسلامیه و عموم عالم انسانیت شامل مبانی و آثار مدنیه ولوازم حياتیه ؛ يا کنديسيه انتفاع و استفاده اولونان — حیات طیه دينه نک ، شوکت و عظمت قرآنیه نک بقاسه خادم — هر هانکی بر علم و فنی اولاد مؤمنينه اوقوتوب يتيشديرمک ؛ خصوصيه بونلره دائر کتابلر تأليف و نشر ايتمک ؛ و يا خود نامی خير ايله ياد ايدر و ايتديرر ولد صالح ، خير الخلف براقق . » کوروليوريا ، بوفانی ، بوموته محکوم انسان ايچين اصل حقيقي حياه نه ايمش !

بونطق حکيم جناب رسالت پناه اعظمی یی مضاعف برامعان نظرله اوقوده دوشون !

صوکر ا برده انده لسه کی اوقارا طالعلي بچاره لری در خاطر ايت !

او کيجه نک فرداسنده ينه بر طاغ آشوب خراب بر قلعه نک اوکندن کچدک .

تکرار عمجه مه :

— بو حريف بر شيطانلق ايدیور ، بزی صابه يوللردن کوتورويور . بيه جکمز قالمادی . حالاده بر معموره يه کله دک . نه ياباجغز ؛ ديدم . کيجه ني قيرده کچيردک . صباحلين — اولجه کنديسینه خبر کوندريلش اولان — (دوست محمد ايکی بيک کيشی ايله استقبالمزه کلدی و سلام و احترامدن صوکر ا :

— نيچون بو صارپ يوللردن کلدیکز ؛ ديهه صوردی . قلاووزمزک عمجه زاده سی اولديغی آکلایجه :

— اونی بکا ویریکز . زیرا بزم قلعه يه اوغرامامکز ايچون سزی بويله طاغلردن ، بایرلردن کوتورمش که مقصدي بنی بدنام ايتمکدر . سزده لطفاً قلعه يی تشریف ايله استراحت بويورک دیدی . عمجه مه ياقلاشوب :

— سوزمی دیکله مش اولسه يديکز بو ايکی شيطانک دام اتفاقيه دوشمزدک . ديدم . صحبت ائناسنده بر کورولتو اولدی . تحقيق ايدنجه دوست محمدک کتيرديکی خرسزلردن بش دانه سی بزم اشيايی چالمايه قالقشمش و آدملمرز طرفندن تفنگله يارالانمش اولديغی خبر آلدق . شاه جهان ، بونی ايشيدنجه ميدانن غائب اولمشدی . آراتوب بولدوردم و نيچون کيزلنديکني کنديسندن صوردم :

— بنی دوست محمد تسليم ايدرسکز ديهه قورقده اونک ايچون صاووشدم . دیدی .

— اويله بر فکر مز يوق . قالق باقالم بزی بورايه کتيرديکک کي معمور بر محله کوتور ديهه رک عمجه مه ده :

— کوندوز کوزيله حرکت ايدم . کيجه يه قاليرسه ق دوست محمدک آدملي ايله اوغراشمايه مجبور اولاجغز . اخطارنده بولوندم . حرکت ايتدک و بوتون کيجه شدتلی صوغوقده يورودک . ايرتسی کونی ده دوام ايليه رک ايکندی وقتی خراب و متروک بر قلعه يه واصل اولدق . قلاووزمز اولان سلطان الشياطينه :

— بورانک اهاليسي نرديه کيتمشلر ؛ ديهه صوردم .

— بهارده کاييرلر ، هوا صوغويجه قارشیکي طاغه کيدرلر . جوانی ویردی .

— بابا که لعنت ! سنک اوغورسزلغندن انسان ده ، حيوان ده يورومکدن عاجز قالدی . ديهه سويلندم .

— اک ايسی کنديکيز کيدوب اورادن ييه جک تدارک ايدیکز . چونکه بخله او قلعه اهاليسي اره سنده منافرت واردر . دیدی .

حريفی کمال مسرتله دفع ايتدکدن صوکرده غروب شمسی متعاقب تعريف ايدلين قلعه يه کلدک . اهالی ، بزی دشمن ظنيله مدافعه يه قالقشديسه ده هويمزی آکلایجه استقبالمزه چيقوب بزی ايکی کون مسافر ايتديلر و يردکاري ارزاقک بدانی ده آلماديلر .